



Inatsisartuni ilaasortaq  
Karl Lyberth  
/Maani

## **Pineqartoq: § 36, imm. 1 naapertorlugu apeqqummut nr. 2010-184-imut akissut**

Asasara Karl Lyberth,

Aallarniutigalugu apeqqutinut saqqummiunneqartunut qujavunga, taakkulu imatut nipeqarput:

### **Apeqqut 1: Dronning Ingrid Napparsimmavissuata (SANA-p) nutarterneqarneranut siunnersortitut suliffeqarfik atorineqartoq kinaava, sumilu angerlarsimaffeqarpa?**

#### **Akissut:**

Suliffeqarfimmik siunnersortitut atorineqartumik oqarnermi suliffeqarfiit siunnersuisartut pineqarpata, manna ilisimatitsissutigineqarsinnaavoq; ukioq 2008-mi danskit suliffeqarfiat illussanik titartaasartoq CF Møller-imik atilik Dronning Ingridip Napparsimmavissuani sananissaq pillugu marlunnik isumaqatigiissuteqarfigineqarpoq.

Napparsimasunut akunnittarfiup 2010-mi neqeroortitsivigineqarnera sanaartornermi neqeroorteqartitsisarneq pillugu Inatsisartut inatsisaat nr. 11, 2. december 2009-meersoq naapertorlugu ingerlanneqarpoq. Neqeroortitsineq Kalaallit Nunaanni periaatsit nutaat malillugit, kiisalu siunnersortit nunaqavissut suliassanut tamarmiusunut neqeroorteqarnermi suleqatigiinnissamut periarfissaarunnissaat pinngitsoortinniarlugu, aasaq manna siunnersuisartoq Emcom A/S-imik atilik Danmarkimeersoq, inatsimmi siuliani taaneqartumi periaatsinik misilittagaqartoq toqqarneqarpoq. Suliffeqarfik siunnersuisartoq taanna tamatuma kingorna Kalaallit Nunaanni ingerlatseqatigiiffimmik Toqqavik ApS-imik atserneqartumik pilersitsivoq, taassumalu suliassaq 1. september 2010-mi tiguaa.

Napparsimasunut akunnittarfimmut tunngatillugu oqaatigineqassaaq, pilersaarusiassatut siunnersuut annertusisaaq suliffeqarfiit siunnersuisartut nunatsinnersut suliarisimammasuk.

### **Apeqqut 2: Suliffeqarfik siunnersortitut atorineqartoq nunatsinnut akileraartarpa?**

Inuit imaluunniit piginnaatitaallutillu pisussaataasut aqqi taaneqarsimasut akileraartarnikkut atugaat pillugit paasissutissiinissaq ajornarpoq. Kisiannili ilisimatitsissutigineqarsinnaavoq, tamatumani periaatsit pingaarnerit uku atuutsinneqarmata:

Inuit aamma piginnaatitaallutillu pisussaataasut akileraartussaataanerannut apeqqut tunngaviummik akileraartarnermut inatsimmi maleruagassat tunngavigalugit maleruagassaqartinneqarput. Pisut ilaanni taakku marloqiusamik akileraartarneq pillugu isumaqatigiissusiornikkut atunngitsoorneqartarput. Kalaallit Nunaat maannakkorpiaq Danmar-

14. oktober 2010  
Sagsnr. 2010-038938  
Dok. Nr. 475886

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanaoq.gl  
www.nanaoq.gl

kimut, Norgemut, Savalimmiunut Islandimullu marloriaammik akileraartarneq pillugu i-sumaqatigiissuteqarpoq.

**Apeqqu 3: Suliffeqarfik siunnersortitut atorneqartoq nunatsinnut akileraarneq ajorpat aningaasat qanoq amerlatigisut nunatta karsiata annaasimavai, annaassal-lugilluunniit?**

Tassani apeqqu 2-mut innersuussisoqarpoq.

Inussiarnersumik inuulluaqqusillunga

Jens B. Frederiksen